


地360.139
137
:19

卷四十五
大事志本末

興義府志



興義府志卷四十五目錄

大事志 本末

夜郎國本末

漢設夜郎縣本末

漢設牂柯郡本末

蜀漢設興古郡本末

晉設夜郎郡本末

梁爨蠻據今郡地本末

梁東爨烏蠻據今郡本末

唐遙置盤州盤水縣附唐縣明州本末

唐封羅殿國于今貞豐州羅王亭本末

興義府志

卷四十五

目錄

宋設泗城州本末

元設于矢萬戶府普安路總管府本末

明洪武設普安衛本末

明洪武設安南衛本末

明洪武設安南所安隆所本末

明洪武設新興所新城所本末

明永樂設普安州本末本末

明宏治平普安米魯亂本末

明天啓平普安安南苗亂本末

明永明王居安龍府本末



興義府志卷四十五

興義府知府張鏌纂修

大事志

本末

前卷紀年。以年之次。紀諸大事。時有一事始末。惟有歷年。而編年敘次。中為他事所隔。致離數處。本末不甚貫弗。昔宋章冲撰左傳事類始末。袁樞撰通鑑紀事本末。明陳邦瞻撰宋元史紀事本末。國朝谷應泰撰明史紀事本末。通志仿之。立本本一門。今用其例。撰大事本末二卷。紀年主簡明。諸大事皆紀本末。主詳明。擇大事之尤要者。暢辨詳言之。紀年與本末。或詳或略。一經一緯。相輔而行。互相補苴。有事為本末未載者。已備列紀年。有事為紀年未詳者。當參觀

興義府志

卷四十五

本末

貴陽文通書局代印

本本。二者相須。無容偏廢。有識者知非複衍。難為腐儒道也。志大事本末。

夜郎國本末

府境。古為夜郎國。

舊志通志。並云。夜郎地。

考古夜郎國有四。一為上古盤瓠之

後。至周末。為莊蹻所滅。一為莊蹻之後。至漢成帝時。為牂柯太守陳立所滅。一為漢初竹王之國。漢武帝時。為唐蒙擊滅。後又封其三子為夜郎侯。國于夜郎縣。一為古山獠夜郎國。又別一國也。考四夜郎國末末。上古夜郎國。其祖曰盤瓠。帝嚳高辛氏。以其有殲蠻功。封之夜郎。同溪織志云。高辛氏以盤瓠有殲蠻功。封其地。為諸苗祖。盡夜郎境。多有之。其國至周浸大。兼有今府境。周赧王三十八年。楚頃襄王。使將軍莊蹻伐夜郎。至且蘭。楸船於岸。而與且蘭步戰。勝之。遂進滅夜郎。此上古夜郎國之本末也。莊

躋既滅夜郎。欲歸。會秦擊奪楚黔中郡。道不通。因以其衆王滇。分侯

其支黨于夜郎。又有夜郎侯國。則芊姓而莊氏。晉永嘉中。五茶夷發

氏之夜郎侯。進封爲王者。是時夜郎國地甚大。亦兼有今府地。是時夜郎國地。南

東川昭通。故史記云。西夷君長。夜郎最大。後秦略地。通道于夜郎

地。頗置吏。其可考者。有夜郎縣。略夜郎地。置秦夜郎縣治。秦亡。縣廢。而

其國。則國于今府境之紅水江上。紅水江。即古牂柯江。史記云。夜郎

臨牂柯江。江廣百餘步。足以行船。今紅水江。在册亭。可以行船。遠通

番禺。是其證矣。後秦滅。漢興。棄諸國。武帝建元六年。番禺令唐蒙。奏

請通夜郎道。置吏。唐蒙使南越。食枸醬。問所從來。曰。道西北牂柯江。

醬。多竊市。夜郎。南越。以財物。役夜郎。然不能。臣使蒙。乃上書說武帝

曰。南越王。黃屋左纛。地萬餘里。名曰外臣。實一州主也。今以長沙。豫

章。往水道。多絕。難行。竊聞夜郎有精兵。可得十餘萬。浮船牂柯江。出

其不意。此制越一奇。誠以漢之疆。巴蜀之饒。通夜郎道。爲置吏。易甚

興義府志

卷四十五

本末

一

貴陽文通書局代印

武帝許之。乃拜蒙爲郎中將。將千人。食重萬餘人。從巴符關入。按今

記漢書。皆作柞關。水經注引之。作符關。符關。在遂見夜郎侯多同。厚

賜。諭以威德。約爲置吏。使其子爲令。夜郎旁小邑。皆貪漢繒帛。以爲

漢道險。終不能有也。共聽蒙約。還報。於是分夜郎國地。漢又置夜郎

縣。此夜郎縣。即今郡地。安順志云。漢及漏江。談指諸縣。元光五年夏。

又令唐蒙。發卒治道。自犍道。指牂柯江。自犍道。指紅水江。則自今敘

甯。貞豐。放乎紅旋於夜郎縣。置都尉。蒙所通道。咸置郵亭。史記大事

六年。南夷始置郵亭。常璩云。犍道南有八亭。道元狩初。夜郎侯輕漢。

與漢使言。漢孰與我大。蓋自以爲一州主。不知漢廣大也。後南越及

且蘭反。漢擊破之。夜郎侯初倚南越。不純屬漢。至是南越滅。且蘭又

誅。夜郎侯遂入朝。武帝進其爵。爲夜郎王。自後夜郎國削小。惟夜郎

一縣地餘地。爲漢牂柯諸郡地矣。成帝河平中。夜郎王興與鈞町王禹漏臥侯俞舉兵相攻。牂柯太守請發兵誅之。議者以爲道遠不可擊。廼遣大中大夫張匡持節和解。興不從。刻木象漢使。立道旁射之。於是杜欽說大將軍王鳳選太守往誅之。按漢書杜欽說王鳳曰張匡奉使和解蠻夷王侯受詔已復相攻輕易漢使不憚國威其效可見恐議者選與復守和固其謀黨助衆多有變廼以聞如此則復曠一時王侯得收獵其衆申固毒草之地雖有孫吳將賁必相殄滅自火知罪成狂犯守尉遠藏溫暑田守之費不可勝量宜因其罪惡未成疑漢家加誅陰救旁郡守尉練士馬大司農豫調穀積要害處選任職太守往以秋涼時入誅其王侯尤不軌者卽以爲不毛之地無用之民聖王不以勞中國宜罷郡放棄其民絕其王侯勿復通如以先帝所立累世之功不可墮壞亦宜因其萌芽早斷絕之及王鳳乃薦金城司馬陳立爲牂柯太守。立至牂柯諭告夜郎王興興不從立請誅之未報廼從吏數十人出行縣至興國且同亭召興興將數千人往至亭從邑君數十人入。

興義府志 卷四十五 本末 三 貴陽文通書局代印

見立立數責斬之。邑君曰將軍誅亡狀爲民除害願出曉士衆以興頭示之皆釋兵降立還郡興之妻父曰翁指與興之子曰邪務收餘兵迫脅旁二十四邑反至冬立奏募諸夷與都尉長史分將攻翁指等翁指扼險爲壘立使奇兵絕其饗道縱反間以誘其衆都尉萬年曰兵久不決費不可供引兵獨進敗走趨立營立怒叱戲下令格之萬年復還戰立引兵救之時天大旱立復絕其水道蠻夷共斬翁指持首出降夜郎遂平此莊躄之後夜郎國之本末也至竹王之後亦封夜郎侯其本末後漢書云先是有一女子浣於遯水之濱有三節大竹流入足間推之不去聞有兒聲持歸破之得一男兒長養有才武遂雄諸夷自號爲王以竹爲姓女子得兒捐所破竹於野成竹林晉世夜郎縣有竹王祠其遺跡也王與從人嘗止大石上命作羹從

者曰無水。王以劍擊石。水出。世謂之王水。破石今猶存。後漸驕恣。唐蒙之爲都尉也。諸侯王服從。惟竹王不服。後漢既破南越。且蘭遂平南夷之不服者。蒙因斬竹王。置牂柯郡。漢牂柯郡。即今郡境也。舊志通志

安南志並云。今郡境。漢牂柯郡地。牂柯之初置郡也。以吳霸爲太守。諸夷咸訴竹王。

非血氣所生。求爲立後。霸爲之請。武帝乃封竹王三子爲侯。國于盤。

盤。即秦之夜郎縣。即今之桐梓縣是也。或云。唐之珍州。播州。夷州。咸有夜郎縣。即竹王三子故邑。

或又云。在夷州者。後又西徙。明之金筑。安撫使金氏。即其裔。金筑。即今貴筑。古名貴竹。以竹王命云。後三子沒。咸

配食父祠。世稱爲竹王三郎祠。此竹王之後。夜郎國之本末也。至古

之山獠夜郎國。則非今郡地。十道志云。珍州。古山獠夜王國。謂之山

獠。明別一夜郎國也。唐之珍州。即今遵義地。非今興郡地也。見史記漢書應

劭漢書注華陽國志後漢書水經注隋書史記正義括地志太平御覽十道志

興義府志

卷四十五

本末

四

貴陽文通書局代印

附文

夜郎辨

道光雲 阮元 儀徵人

後漢書西南夷傳。以夜郎王竹王。合而爲一。云夜郎者。初有女浣於遯水。有三節大竹。流入足間。其中有號聲。剖竹視之。得一男兒。歸而養之。及長。有才武。自立爲夜郎侯。以竹爲姓。考夜郎之名。始見於史記西南夷傳。唐蒙從巴笮關入。遂見夜郎侯多同。豈多同即竹王與竹王之事。范蔚宗原本華陽國志。其文云。在昔夷越之地。滇濮鈎町夜郎侯王國。以十數。又云。莊蹻沂沅水。出且蘭以伐夜郎。植牂柯繫船。於是且蘭既克。夜郎又降。不言夜郎即竹王。下文乃言漢興。遂不賓。言牂柯夜郎。並不賓。非專指夜郎。下云。有竹王者。興於遯水云云。得一男兒。長養有才武。遂雄夷狄氏。以竹爲

姓似竹王興於漢。非興於周秦。僅云雄夷狄氏。不云自爲夜郎侯。竹王夜郎。當分爲二。夜郎侯多同。非竹王。不辨自明。范蔚宗逞臆杜撰。竟云竹王自立爲夜郎侯。後人遂無從辨矣。又云。武帝元鼎六年。平南夷爲牂柯郡。夜郎侯迎降。天子賜其王印綬。後遂殺之。考華陽國志。王與從人嘗止大石上。命作羹。從者無水。王以劍擊石。水出。今王水是也。破石存焉。後漸驕恣。武帝轉拜唐蒙爲都尉。開牂柯。以重幣喻告諸種侯王。侯王服從。因斬竹王。立牂柯郡。是斬竹王。在置牂柯郡以前。史記西南夷傳。遂平南夷爲牂柯郡。夜郎侯始倚南越。南越已滅。會還誅反者。夜郎侯遂入朝。上以爲夜郎王。則夜郎封王。在牂柯立郡以後。竹王夜郎。顯然二人。范氏必欲合而爲一。遂難於措詞。乃云。夜郎侯迎降。天子賜其印綬。後遂

殺之。忽封忽殺。殺之不爲無名乎。又云。夷獠咸以竹王。非血氣所生。甚重之。求爲立後。柯牂太守吳霸以聞。天子乃封其三子爲侯。死配食其父。此說與華陽國志同。然云天子封其三子爲侯。則非王矣。何以史記元封二年。滇王舉國降後。猶云西南夷君長以百數。獨夜郎滇受王印。則夜郎於此時依然王也。漢書西南夷傳。成帝河平中。夜郎王興與鉤町王禹。漏臥王俞。更舉兵相攻。是河平時。夜郎猶存也。逮陳立爲牂柯太守。斬興頭。興妻父翁指與興子邪務。猶收餘兵反。至蠻夷共斬翁指。持首出降。夜郎乃平。蓋平夜郎如此之難。非如竹王之易易也。范氏作夜郎傳於夜郎源委。不能詳考。僅摭拾浮誕之詞。以冠其首。而又等諸張冠李戴。其下半篇。又竊華陽國志。謝暹尹珍等事。以足其數。與夜郎無涉。見雲南通志

按阮氏此辨。於竹王夜郎王。分爲二人。實爲定論。故從其說。并附其文。

漢設夜郎縣本末

漢武帝建元六年。於今郡地及貞豐州地。置夜郎縣。安順府志云。漢夜郎縣。即今興

義府貞豐州册亨地。考夜郎縣有八。秦置者一。今桐梓縣地是也。漢置者一。今

郡地及貞豐州地是也。陳置者一。今辰溪縣地是也。唐置者三。一在

今石阡府。一在今思州府。一在今桐梓縣正安州。此外又有二。一在

西高州。一在建安縣。都計凡八。考史記云。秦通道夜郎諸國。頗置吏。

其所置夜郎縣。在今遵義府之桐梓縣。十道記云。播州。秦夜郎縣西隅。明一統志。珍州。秦夜郎縣。

通志云。桐梓縣。秦夜郎縣。大定志云。大定。秦夜郎縣。西境。此一夜郎縣也。又考漢武帝建元六年。

置夜郎縣。隸牂柯郡。郎縣。以夜郎侯多同之子。爲夜郎令。則即今

興義府志

卷四十五

本末

六

貴陽文通書局代印

郡地。漢夜郎縣。安順志云。即今興義府貞豐册亨地。其言是也。雲南

集。謂即今安順府地。識畧。此夜郎縣。至晉建興元年。改隸于夜郎郡。

謂即今桐梓縣地。皆非。咸康二年。復之。咸安後。又沒于符秦。太元八年。復之。宋齊因之。至梁

清泰二年。而沒于爨蠻。縣遂廢。此郡境漢晉宋齊梁之夜郎縣本末

也。又陳僑置夜郎縣于辰溪。在今辰州府之辰溪縣。見隋書。又唐有三

夜郎縣。一武德四年置。唐書云。夷州。貞觀元年省。在今石阡府。通

云。石阡府。唐武德四年。析置夜郎縣。唐有一貞觀五年置。唐書云。貞

三。夜郎縣。此在府西。彰葛司西。六十里。一貞觀五年置。唐書云。貞

元。州龍標縣。置夜郎縣。開在今思州府。元和郡縣志云。峨山縣。本夜

有。峨山。此夜郎考。謂在黎平鎮遠間。非是。一貞觀十六年置。唐書云。珍

貞觀十。在今正安州桐梓縣。義道正安州。桐梓縣。或云。唐珍州。夜郎

縣。在今桐梓縣北。秦夜郎縣。在今正安州境內。又此外。尚有兩夜郎縣。一在西高州。一在建

安縣。通鑿注云。李文子曰。西高州。有夜郎縣。又建安縣。有古夜郎縣城。都計凡八。惟漢晉宋齊之夜

郎縣。為今郡地。餘七夜郎縣。皆非郡地也。見史記漢書晉書宋書齊書隋書唐書明史十道記

元和郡縣志明一統志雲南通志貴州通志大定志識略巢經巢集夜郎考

附文

夜郎考

雍正庶吉士 靖道謨 黃岡人

且蘭夜郎。皆南夷名。史記云。西南夷君長以十數。夜郎最大。是且蘭。非夜郎匹也。楚莊豪循沅水至且蘭。楸船於岸而步戰。遂滅夜郎。以且蘭有楸船處。乃改其名為牂柯。豪既留王滇。夜郎且蘭仍自立為國。漢武平南夷置牂柯郡。領縣十七。後漢領縣十六。皆首敘且蘭。而夜郎反為屬縣。晉永嘉二年。分牂柯立夜郎郡。領夜郎四縣。於是夜郎始列於郡。劉宋蕭齊。皆因之。隋地理志有牂柯郡。

興義府志

卷四十五

本末

七

貴陽文通書局代印

復有牂柯縣。而夜郎之郡縣皆無。梁陳周書。俱不志地理。遂不知廢自何時也。唐以隋牂柯郡之牂柯縣。置播州。而縣有三夜郎之名。武德四年。析夷州之甯夷縣。置夜郎縣。貞觀元年。州廢。縣亦廢。八年。析巫州之龍標縣。置夜郎縣。十六年。開山洞。置珍州。亦置夜郎縣。長安四年。以龍標所析之夜郎縣。置舞州。天寶元年。更縣名為峨山。龍標之夜郎縣。當在今黎平鎮遠之間。夷州之夜郎縣。當在今石阡思南之間。珍州之夜郎縣。即今遵義之正安州桐梓縣是。巫州夷州之夜郎縣。或廢或更名。珍州之夜郎。置之最後。而自唐迄宋。名未嘗改。於是人止知播州之為夜郎。而亦不復知夜郎之大矣。漢書云。唐蒙從巴蜀筰關入。遂見夜郎侯。又云。夜郎東接交趾。自西徂東。奚啻千里。亦無怪當年夜郎之自大也。

按靖道謨夜郎考。雖于八夜郎縣。未能詳考分析。而考唐之三夜郎縣。頗明晰。附載之以備考。

漢設牂柯郡本末

今郡地。舊志通志安南志並云。漢為牂柯郡地。考牂柯郡有五。一為漢之牂柯郡。即今郡地。一為晉改析之牂柯郡。一為晉遙置之牂柯郡。一為蜀僑置之牂柯郡。一為隋置之牂柯郡。皆非今郡地。初郡地在春秋時。為牂柯國。管子中匡篇云。齊桓公曰。余南至牂柯之國。即今郡地。以牂柯江中之山得名。水經注云。牂柯江中兩山名。牂柯江。即今郡南之南盤江。俗名紅水江。戰國時。莊蹻伐夜郎。至郡地。椽船于岸。以椽船之杙名牂柯。遂又名其地曰牂柯。貴陽志云。牂柯。繫船兩杙。牂似羊頭。至漢元鼎六年。夜郎侯入朝。始以其地置牂柯郡。武帝建元六年。夜郎侯入朝。始置牂柯郡。以夜郎縣屬焉。是時牂柯郡地甚大。

興義府志

卷四十五

本末

八

貴陽文通書局代印

領縣凡十有七。兼有今郡地。及今貴陽、安順、遵義、石阡、大定、諸府地。

通志云。南籠、貴陽、安順、遵義、石阡、大定、諸府地。皆漢牂柯郡地。其屬縣。為今郡地者。惟夜郎縣。談指

縣。漏江縣。三縣而已。安順志云。夜郎縣。今興義府貞豐冊亨地。雲南通志云。談指當在今安南縣。學藝齋集云。普安

縣。漢漏江。至漢平帝元始四年。王莽改牂柯郡。為同亭郡。夜郎縣。為

同亭縣。領縣仍十有七。漢書地理志注云。牂柯郡。莽亦曰同亭。光武中興。改復

原名。領縣凡十有六。至蜀漢建興三年。析郡地。置興古郡。又漏江縣

廢。于是牂柯郡。僅領縣七。屬縣為今郡地者。惟夜郎。談指兩縣。牂柯太守

朱褒反。武侯討平之。建興三年。遂析牂柯郡地。置興古郡。于是今郡。又為興古郡地。牂柯郡屬縣。漏江縣廢。夜郎談指二縣。仍為今郡地。

至魏元帝景元五年。蜀亡。郡地入于魏。明年晉受禪。郡地又入于晉。

晉武帝太康四年。郡領縣凡八。是年牂柯獠內附。增置并渠縣。非今郡地。至懷帝永嘉五

年。牂柯郡亂。甯州刺史王遜平亂。請析郡地。置夜郎郡。明年為愍帝

建興元年。從其議析置。于是夜郎談指二縣。皆改隸夜郎郡。今郡又

為夜郎郡地。而牂柯郡僅領四縣。皆非晉郡地矣。晉懷帝永嘉五年。牂柯太守孟才驕

暴。為郡民逐。遜平亂。以牂柯廣遠。易容奸惡。乃議析夜郎山以南地。及夜郎縣。談指縣。以及漏江諸地。置夜郎郡。明年。為愍帝建興元年。乃下其議。從之。自漢迄今之牂柯郡。則其地甚大。漢領十七縣。東漢領十六

縣。今郡地。為其地。自晉愍帝以後。改析之牂柯郡。則其地僅領四縣

今郡地。非其地矣。此兩牂柯郡之不同也。考晉又有遙置之牂柯郡。

晉書地理志云。惠帝後。李特僭號于蜀。郡縣皆沒于特。江左遙置之。晉改析之牂柯郡。于建興四年沒

于蜀。自後晉之牂柯郡。乃遙置者。亦非今郡地。按晉書云。建興四年。樂太守董霸等反。破牂柯。執牂柯太守文猛。北降于李雄。據此是建

興四年。牂柯郡已沒于蜀矣。而晉書又云。咸康四年。分牂柯郡置安州。永和三年。以牂柯郡之廣談縣。改隸夜郎郡。咸安後。牂柯郡也。又考蜀

郡沒于符秦。太元八年。復為晉有。此蓋晉遙置之牂柯郡也。按晉書云。有僑置之牂柯郡。蜀將李奕。取郡之支縣置。亦非今郡地。惠帝懷帝

興義府志

卷四十五

本末

九

貴陽文通書局代印

時。謝恕為牂柯太守。王遜因侯馥敗。黜恕而用文猛。為牂柯太守。及董霸破之。圍其城。恕拒守。積日不拔。奕糧盡。引還。乃取。至隋開皇中。李奕攻之。其支縣置牂柯郡。此蜀僑置之牂柯郡也。亦非今郡地。亦非今郡地也。見管子史記漢書蜀志魏書晉書宋書隋書水經注舊志安南志通志雲南通志貴陽志安順志學藝齋集

蜀漢設興古郡本末

通志舊志安南志並云。今郡地。蜀漢時。為興古郡地。考興古郡有四。

一為蜀漢置。即今郡地。一為晉遙置。一為後蜀僑置。一為劉宋析置。

皆非今郡地。初蜀漢後主建興三年。武侯平牂柯郡亂。析郡地。置興

古郡。蜀志後主傳云。建興元年。牂柯太守朱褒反。領縣十。惟西豐縣。古郡三年。丞相亮南征。郡平。分牂柯郡。為興古郡。領縣十。西豐縣。

賁古縣。兩縣為今郡地。豐縣。漢之母椽縣。賁古縣。漢舊縣。西豐縣。即漢之母椽縣。改名。今之興義縣地是也。即今興義縣西南隅。賁古

即漢之母椽縣。改名。今之興義縣地是也。

縣。漢元封二年置。即今之普安縣安南縣地。是也。菴施閣集云。今普地。安安南漢賁古縣。時郡隸益州。至晉初。又置漢興縣。隸興古郡。于是郡領縣十有一。漢興縣。即今之貞豐册亭地。是也。菴施閣集云。漢興縣。晉宋志。皆屬貞豐册亭地。是也。至武帝泰始中。興古郡改隸甯州。太康中。復隸益州。惠帝太安中。又隸甯州。晉武帝泰始七年。析興古諸郡。置甯州。改隸甯州。武帝建康三年。廢甯州。仍隸益州。惠帝太安二年。復置甯州。又隸甯州。漢元帝永昌二年。爨量以興古郡叛。北降于後蜀。李雄明時永甯三年。晉甯州刺史尹奉。刺殺量。復興古郡。永昌二年。建甯爨量。與益州太守李邊梁水太守董懂。以興古郡及盤南叛。北降于後蜀。李雄。盤南者。即今郡境北。盤江南甯之地也。太甯三年。晉甯州刺史尹奉。募刺客刺殺量。而誘邊降。遂復興古盤南地。成帝咸和八年。郡又沒于後蜀。咸康二年。新昌太守陶協。復之。四年。又析郡地。置梁水郡。旋又沒于後蜀。穆帝永和三年。桓溫滅就蜀。復為晉有。簡文帝咸安二年。郡沒于符秦。孝武帝太

興義府志 卷四十五 本末 十 貴陽文通書局代印

元八年。仍有晉有。晉志云。太和八年。復為晉有。通志云。太元八年。復為晉有。按晉志非也。通志是也。太和祇六年。無八年。今從通志。此蜀漢置之興古郡。即今郡地。是也。又考晉有遙置之興古郡。惠帝後。郡沒于後蜀。晉遙置興古郡。則非今郡地也。晉志云。惠帝後。李特僭號于蜀。郡沒于特。江左遙置之。又考後蜀有僑置之興古郡。咸康中。晉陶協既復興古郡。後蜀僑置興古郡。亦非今郡地也。咸康八年。後蜀遙置興古郡。非今郡地。至康帝建元元年。晉之興古郡。復為蜀有。李壽分郡地。置漢州。則仍晉之興古郡。仍即今之郡地也。又考漢晉之興古郡。至劉宋時。改析。僅領縣六。賁古縣廢。毋椽縣。改隸梁水郡。漢興縣。則遙置而改隸南宕渠郡。見宋志。漢晉之興古郡。所領縣。惟此賁古。毋椽。漢興。三縣。為今郡地。至是三縣一廢。二改隸。于是宋之興古郡。所領六縣。皆非今郡地矣。見蜀志補三國疆域志。晉書宋書通志。舊志安南志。菴施閣集。學藝齋集。

晉設夜郎郡本末

晉愍帝建興元年。置夜郎郡。於今郡地。及貞豐州地。安順志云。晉夜郎郡。今貞豐興

義南考夜郎郡有六。秦一。漢一。晉一。蜀一。梁一。唐一。而實祇有四。以秦漢實無夜郎郡也。舊唐書云。播州。秦夜郎郡。珍州。漢夜郎郡。實誤。不知秦漢無夜郎郡。秦漢祇有夜郎縣。至晉始置夜郎郡。晉及宋齊之夜郎

郡。即今郡地。後蜀之夜郎郡。即今之曲靖府地。梁陳之夜郎郡。即今之辰溪縣地。唐之夜郎郡。即今之遵義府地。皆非今興郡地也。考晉

愍帝建興元年。始分牂柯郡地。夜郎山以南。夜郎縣。談指縣。及漏江諸地。置夜郎郡。郡治在夜郎縣。隸甯州。懷帝永嘉五年。王遜平牂柯

山以南。夜郎談指二縣。為夜郎郡。以漏江諸地益之。愍帝建興元年。從其請。析置夜郎郡。○晉志云。永嘉二年。置郡。宋志云。永嘉五年。置南中志云。晉元郡領縣二。夜郎縣。談指縣。安順志云。夜郎縣。今興義郡領縣二。夜郎縣。談指縣。安順志云。夜郎縣。今興義

府貞豐册亭地。雲南通志云。談指。當在今安南縣。成帝咸和八年。郡興義府志

興義府志

卷四十五

本末

十一

貴陽文通書局代印

沒于後蜀咸康二年。復之。晉書云。咸康二年。晉廣州刺史鄧四年。分

郡地。置安州。穆帝永和三年。又分郡地。置談樂縣。沈志云。談又以牂

柯郡之廣談縣。改隸夜郎郡。太康地志云。廣簡文帝咸安二年。郡沒

于符秦。孝武帝太元八年。復為晉有。宋齊因之。宋書云。夜郎太守。領郡地也。安順志云。今貞豐興義南。皆晉宋夜郎郡地。非是。又考晉咸康

二年。時後蜀夜郎郡地。雖為晉復。後蜀仍自置夜郎郡。即今雲南甯

甯縣地。後蜀所置之夜郎郡。即唐之南甯州。今郡西。雲南曲靖府之漢夜郎郡者。後蜀僭號稱漢也。明一統志云。唐南甯州。漢之夜郎郡地。曰

夜郎郡。沒于爨蠻。遂僑置夜郎郡于辰陽。貴州紀年云。梁清泰二年。荒廢。東徙。即今湖南辰溪縣地。隋平陳。廢郡為靜民。又考唐天寶元

年改珍州為夜郎郡。舊唐書云。珍州天寶元年。改為夜郎郡。乾元元年。復為珍州。即今遵義之正

安州地。通志云。正安州。唐珍州。旋改為夜郎郡。都計夜郎郡四。惟晉及宋齊之夜郎郡。

為今郡地。見晉書宋書齊書梁書陳書隋書唐書華陽國志南中志太康地志明一統志通志雲南通志安順志紀年

梁爨蠻據今郡地本末

梁承聖元年。爨蠻據有今郡地。通志云。梁承聖元年。郡地沒于爨蠻。考爨蠻本末。或云。

爨氏。楚令尹子文之後。漢末食邑于爨。因氏焉。至魏時有爨肅。官尚

書僕射。始遷居于建甯郡。見爨使君碑。○按今普安安南地。晉初為漏江縣地。隸建甯郡。或云。其先。

自安邑南徙。見唐書南蠻傳。或云。本建甯土人。見隋書梁睿傳。考國策。魏有爨襄。則

爨氏之得姓。不自漢末始。武侯之南征也。爨氏已與焦雍諸族同為

南中巨姓。則南遷于建甯。亦不自魏始也。爨肅之後。至晉時。多遷居

興古郡。晉之興古郡地。即今郡地也。有爨深者。仕晉。以興古人。為興

興義府志

卷四十五

本末

十一

貴陽文通書局代印

古太守。見晉書。○詳鄉賢傳。至劉宋時。有爨龍顏者。仕宋。官甯州刺史。封邛都

縣侯。見爨使君碑。元魏時。有爨雲者。仕魏。官甯州刺史。封同樂郡侯。見明一統

志。至南齊時。諸爨日強。遂恃遠擅命。數反。見南齊書州郡志。是為爨蠻。梁承

聖元年。有爨瓚者。據今郡地。通志云。梁承聖元年。郡地沒于爨蠻。○按梁初。今郡地為夜郎郡。夜郎縣。談指

甯州。爨瓚盡有甯州地。漏江縣。母棧縣。並隸甯州。爨瓚盡有甯州地。北周遙授瓚為甯州刺史。以羈縻之。是時有

暴蠻者。服屬於爨蠻。助瓚攻取今郡地。遂分據之。瓚據今府親轄地。

及貞豐安南地。梁夜郎談指漏江諸地。暴蠻據今興義縣普安縣地。梁母棧後

瓚卒。子爨震。爨翫。分統其衆。又別為東爨西爨。東爨據今郡地。暴蠻

仍服屬於東爨。故又名曰東爨烏蠻。通志云。南籠府。東爨烏蠻七部落居之。西爨。則據

今郡西之雲南曲靖府地。明一統志云。曲靖府。梁爨瓚據其地。至隋

時。爨蠻衰而東爨烏蠻盛。遂為東爨烏蠻所并。見國策蜀志晉書宋書魏書齊書梁書隋

書唐書明一統志通志蠻
司合志爨使君碑苗譜

梁東爨烏蠻分據今郡地本末

梁承聖中東爨烏蠻服屬於爨蠻分據今郡之興義縣普安縣地安國

泰苗譜云東爨烏蠻烘阿台居霽外則即今普安龍土司之祖霽外則在捧鮮營安光祖苗譜云烘阿台據順帥格即今黃草壩烘阿輪據阿外格考東爨烏蠻本末東爨烏蠻漢昆明夷之別種蜀漢羅甸即今普安

王火濟之後也史作火濟或作濟火誤初秦時有孟赧者事邛君邛君邑之鹵

漢初其種族繁盛渡瀘入滇自滇以西地方千里咸為所有是為昆

明夷史記所云嵩昆明是也其後有曰祝明者生子六人曰楷曰怯

曰賽曰臥曰克曰濟皆有材武各闢地為君長怯之孫曰獲即孟獲

濟之子曰火即火濟其俗子連父名故稱為火濟火濟為牂柯酋帥

佐武侯平牂柯諸郡有功封羅甸國王火濟封羅甸王國在今大定府兼有今大定安順興義諸

興義府志 卷四十五 本末

十二

貴陽文通書局代印

府地其裔東爨烏蠻至唐時有阿佩者封羅殿王國在今貞豐州羅王亭火濟之後十八世有曰翁者有

子三人曰阿輪曰阿台曰阿納生于梁時阿輪據有梁之漏江縣地

蠻語稱其地曰阿外格即今之普安縣地是也阿台據有梁之母棧

縣地蠻語稱其地曰順帥格即今之興義縣地是也又使其子分據

今之捧鮮地蠻語稱其地曰霽外則蠻語稱州為格霽外猶言嶺外

也阿輪阿台皆服屬於爨蠻其俗貴者衣黑賤者衣白故謂之烏蠻

後以其服屬於東爨也故又謂之東爨烏蠻未幾烏蠻分為七部阿

輪阿台自名其部曰暴蠻部至後周乃遙授阿台為樹帥大狩以羈

縻之至隋時爨蠻衰而暴蠻盛遂滅爨蠻盡有今郡地推其大宗為

鬼主處于故夜郎郡地即今之郡地是也旋又自稱為羅王以系出

羅甸王火濟也羅王遷居于今之貞豐州地今貞豐之羅王亭其遺

蹟也。唐初遙附于唐。唐高祖武德四年。即其地。遙置西平州。太宗貞觀八年。改爲盤州。又于阿外格。遙置盤水縣。今普安縣地。順帥格。遙置附唐縣。今興義縣地。以其渠帥。爲其地之刺史。邑令。至元宗天寶十載。東爨烏蠻七部。叛附南詔。遂改號爲于矢部。代宗大歷中。其別部阿宋。并有盤州七部。號齊彌部。而盤州廢。俄阿宋。亦改號于矢部。侵地千里。憲宗元和八年。上表歸侵地。文宗開成元年。鬼主阿佩。以明州地內附。武宗會昌中。封阿佩爲羅殿王。世襲爵。其國在今貞豐之羅王亭。見史記蜀志梁書周書隋書唐書通鑑通志苗譜

唐遙置盤州盤水縣附唐縣明州本末

唐高祖武德四年。東爨烏蠻內附。始于今郡地。遙置西平州。以羈縻之。唐書云。西平州。故興古郡地。元史云。普安路。唐置西平州。安南志云。安南縣。唐爲西平州地。通志云。普安州。唐置西平州。按今興義

興義府志

卷四十五

本末

十四

貴陽文通書局代印

縣。普安縣地。皆明普安州地。唐西平州地。名曰西平者。以其西。即漢之平夷縣也。今郡之興義縣。猶西與平夷縣接壤。至太宗貞觀八年。改西平州。爲盤州。唐書云。盤州。本西平州。于是今郡地。又爲盤州地。舊志云。唐爲盤州。通志貞觀八年更名。唐爲盤州。方輿紀要云。盤州。隸戎州都督府。安南志云。唐爲盤州。西平州。尋改盤州。名曰盤州。以盤江得名。其故城。在今普安廳東。乾隆府廳州縣志云。盤州故城。在普安廳。蓋唐之盤州。兼有今郡地。及普安廳地也。盤州所領縣。盤水縣。即今普安縣地。其故城。在盤江上。即今普安縣城。紀要云。盤水縣。在普安州東九十里。今普安縣。唐盤水縣地。附唐縣。即今興義縣地。其故城。即今黃草壩之縣城。是也。隸盤州。識略云。興義縣。唐爲附唐縣。其時刺史邑令。皆即以東爨烏蠻之士酋爲之。蓋特遙置羈縻而已。至元宗天寶十載。東爨烏蠻。以其地叛附南詔。自號于矢部。而盤州之州縣皆廢。考唐有兩盤

州。此盤州。貞觀八年改置。爲今郡地。又高宗咸亨三年。昆明夷內附。置盤州。見唐書南蠻傳。此盤州。非今郡地也。又考貞觀二十一年。置明州。于今貞豐州地。其地南至南盤江。其故城。卽今貞豐州城。是也。四夷述云。貞觀二十一年。西趙酋長趙磨奴內附。因置明州。通鑑注。引蘇軾云。西洱河卽牂柯江。牂柯江卽南盤江。今貞豐州地。南至南盤江。明州卽今貞豐州地。是也。今貞豐城北。有珉球石。實卽唐之明州界石。後人訛明州石。爲珉球石。曾大倫貞豐竹枝詞云。明州石。誤珉球石。詩注云。珉球石。卽古明州界石。後人訛明州爲珉球。其言是也。明州地。至天寶十載。爲東爨烏蠻所併。叛附南詔。至文宗開成元年。東爨烏蠻阿佩。以其地內附。武宗會昌二年。封阿佩爲羅殿王。國于其地。而明州廢。見唐書通典通鑑元史通志舊志安南志紀要乾隆府廳州縣志貞豐竹枝詞

唐封羅殿國于今貞豐州羅王亭本末

興義府志

卷四十五

大事記

十五

貴陽文通書局代印

蜀漢封火濟爲羅甸國王。其國兼有今郡地。及大定安順諸府地。十
九世傳至阿輪阿台。是爲東爨烏蠻。其裔至隋時。居今貞豐州之羅
王亭。自稱羅王。羅王亭。鄂文端奏疏。稱爲羅王村。至唐武宗會昌中。乃封其裔阿佩
爲羅殿王。世襲爵。建國于羅王亭。羅殿。卽羅甸。殿甸。音同。古通也。于
是阿佩奄有今貞豐地。及安南之南境地。厥後收其部族。以拒南詔。
爲唐藩蔽。終唐之世。其地不復爲南詔侵。唐亡。遙附于蜀王氏。王氏
亡。後唐明宗天成二年。羅殿王率其九部。遣使朝貢。附于後唐。至後
晉高祖天福五年。附于楚王馬希範。馬氏亡。又遙附于蜀孟氏。孟氏
改封羅殿王。爲順化王。是時其國俗。設官凡六等。曰。刺史。曰。判官。曰。
長史。曰。司馬。曰。長行。曰。僉人。尙參用唐州郡制。皆以其國土酋爲之。
至宋太祖乾德五年六月。順化王入獻方物。九月。順化王武才入獻

方物。詔授為懷化將軍。授其弟若啓。為歸德司階。時南甯州龍氏彊。

羅殿國服屬于龍氏。唐南甯州。即今郡西雲南曲靖府之南甯縣地。開寶二年。武才又獻方

物。授為歸德將軍。其使者乞賜鈿函手詔。以舊制所無。不許。四年。南

甯州蕃落使龍彥瑄卒。武才率八刺史上狀。請以彥瑄之子漢塘為

嗣。詔如所請。八刺史。即其國之八部酋長也。八部者。于矢部。今郡地。東山部。在今郡城東之

東山。武龍部。在今郡東北之龍納山。羅波源部。在今貞豐東之羅斛。羅母殊部。在今羅斛之羅殊亭。雞平部。在今安南東。永甯州之雞場。坪石人部。在今貴陽之石人。山戰洞部。在今黔西之戰洞。八年。順化王若發。入獻名馬百六十四

匹。丹砂千兩。太宗淳化三年十月。順化王雨滯。遣使貢馬及丹砂。授為

歸德將軍。至道元年。歸德將軍羅以植。又遣使入貢。授為安遠大將

軍。仁宗至和二年。王子羅以崇。又入貢。自後順化王部落浸衰。而水

西部則額強盛。自稱羅氏鬼主。先是慶歷中。水西部得蓋。居故姚州。請復建姚州。朝命從之。以得蓋為刺

興義府志 卷四十五 本末 十六 貴陽文通書局代印

史。漸疆盛。得蓋卒。子則額襲。遂自稱羅氏鬼主。于是順化王之裔。反改稱羅蕃。徙居于今册

亨之羅蕃甲。今訛羅蕃甲。為羅煩甲。神宗熙甯六年四月。羅蕃入覲。貢丹砂氈

馬。賜袍帶錢帛。元豐元年。羅蕃又入貢。哲宗元祐七年。西南蕃羅氏

入貢。紹聖三年。西南蕃羅氏又入貢。四年。羅蕃入貢。元符元年。又入

貢。至徽宗之世。羅殿復強。仍稱羅殿國。不稱蕃。宣和六年。羅殿入貢。

高宗紹興三年。置買馬司。市馬于羅殿。紹興三年。置買馬司。市馬于羅殿。未幾廢。買馬司。命帥臣

領之。七年。命鬻帥胡舜陟。歲市馬二千四百。詔書褒之。其後馬益精。歲費黃金五百鎰。白金二百五十鎰。錦四百。絁四千。鹽二百萬斤。得馬

一千五百。四尺以上。乃市之。值銀四十兩。每高一尺。增銀十兩。有至

七十兩者。土人云。尤駿者。在其產處。或博黃金二十兩。日行四百里。第官價已定。二十四年。羅殿國貢名馬。羅殿國又名羅國。桂海虞衡志云。羅國

不能致此。封其帥為羅殿王。世襲爵。歲以馬至橫山互市。稱守羅國王。羅呂。至宋南渡後。其國寢微。宋將王氏黃氏。據其地。乃遷國于今貞豐東之定番羅斛。尙微有今貞豐

東境地。改稱羅甸。逮元世祖至元十六年。行省阿里海牙。遣招討使經歷劉繼昌。招降羅甸。置羅甸遏蠻安撫司。以羅阿資為安撫使。阿資。羅殿王裔也。旋又置羅番安撫司。考羅甸安撫司。在今羅斛地。羅番安撫司。在今定番地。皆兼有今貞豐東境地。羅殿即羅甸。羅番即羅蕃。四字音近古通也。後為馬平龍氏所滅。國遂亡。見蜀志梁書唐書五代史宋史

元史桂海虞衡志蠻司合志通志苗譜

宋設泗城州本末

今之貞豐州地。通志識略並云。宋元為泗城州地。通志云。宋元為泗城州地。明屬泗城州。隸廣西。雍正五年。割泗城土府地。置永豐州。識略云。貞豐州。宋為泗城州。元析置安隆峒。明永樂元年。設安隆長官司。轄泗城州。隸廣西。順治十八年。升州為府。康熙五年。改置西隆州。雍正五年。以泗城土府地。置永豐州。嘉慶二年。改為貞豐州。其言猶未詳析。考宋理宗寶祐元年。始遙置泗城州。使土官岑氏守其地。兼有今

興義府志

卷四十五

本末

十七

貴陽文通書局代印

貞豐州地。府親轄之南境地。府親轄之南境。瀕紅水江地。廣西泗城府之西隆州

地。西隆州北境。瀕紅水江地。是時。今貞豐地。惟東境。尚為羅殿地。東境及羅斛。餘尚為羅殿地。

盡為泗城州地。是年。又置安隆洞。隸泗城州。洞在今郡城東北十五

里。後人訛安隆洞為乾音干龍洞。元沿宋制。仍為泗城州。增置安隆峒。

于今貞豐地。隸泗城州。致和元年。又置安隆州。于今郡之南境。隸雲

南。尋廢為安隆寨。改隸泗城州。至明洪武元年。泗城州土官岑善忠。

以子岑子得。領安隆洞。二十三年。又置安隆所。城在安隆洞西南十

五里。安隆箐口。即今郡之舊城。是也。永樂元年。又于泗城州地。置安

隆長官司。以岑子得為長官。與泗城州同地理治。隸廣西。十二年。命

子得世襲長官。宏治十八年。安隆長官司岑軾。助平普安米魯亂。割

安隆所之阿能十八寨。賞其功。改隸安隆長官司。十八寨。即今府之

懷德里永化里地是也。萬歷四十三年。阿能土目三郎反。射死安隆長官司岑軾。旋平之。仍以十八寨。改歸隸安隆所。而泗城州如故。安隆長官。仍岑氏世襲。至

國朝順治十五年。征南大將軍卓布泰南征。取道泗城州北境。即今隆州北境。渡紅水江。入貞豐南境。赴郡之道。招安隆長官司岑繼祿為導。偽伯李成爵遣

將至羅炎河。河在今貞豐境內。鑿沉渡舟。卓布泰不能濟。已而沉舟自下流浮出。繼祿以告。牽取補苴。師遂宵濟。敗明師。克今郡境。十八年。叙功。

升泗城州。為泗城府。以岑繼祿為土知府。世襲。于是今郡南境地。及貞豐地。又為泗城土府地。而十八寨地。又入于泗城。康熙二年。泗城皆巴塞苗目韋阿仲。據龍納山反。攻今郡城。旋平之。考皆巴塞。龍納山。在今郡城北六十里。今皆為府親轄地。而通志以為廣西地者。時

興義府志

卷四十五

本末

十八

貴陽文通書局代印

為泗城土府轄地也。通志云。廣西阿仲反。據廣西龍納山。犯安籠。五年。于泗城土府地。置

西隆州。與土府同地理治。于是今郡南境。及貞豐地。又為西隆州地。

按貞豐地。通志云。明為西隆州。其言非是。明無西隆州。康熙五年。始設西隆州。識略云。貞豐州。康熙五年。置西隆州。其言是也。八年

又改歸十八寨。隸南籠廳。時已設南籠廳。于明安隆所城。雍正二年。西隆土目與捧

鮮土目。爭地讐殺。五年。泗城者相土目。者相。今貞豐地。與者坎土目。又爭地

讐殺。泗城土知府岑映宸淫虐。為逋逃藪。以兵三千。助泗城土目。將

攻者坎。總督鄂爾泰。乃奏褫其職。取其地。改土歸流。畫黔粵界。以紅

水江為界。升南籠廳為府。割江北泗城西隆地。置永豐州。隸府。于是

江之南。為粵之西隆州。及凌雲縣地。江之北。為黔之南籠府。及永豐

州。普安州地。今興義縣地。時猶為普安州地。而泗城土府遂廢。至嘉慶二年。乃改南

籠府為興義府。改永豐州。為貞豐州。此宋泗城州之本末也。見宋史元史明

史明一統志名臣傳東華錄通志舊
志西隆州志紀要識略鄂文端集

元設于矢萬戶府普安總管府本末

舊志通志並云今郡地宋為于矢部元為普安路其言尙未詳析考
唐時已有于矢部唐元宗天寶十載東爨烏蠻據今郡地叛附南詔
自號于矢部代宗大歷二年東爨烏蠻別部阿宋據其地亦自號于
矢部侵地千里方輿紀要云唐盤州後為南詔東鄙東爨烏蠻憲宗
元和八年始上表歸侵地自唐迄宋皆遙羈縻之至宋度宗咸淳六
年即元世祖之至元七年于矢部遙附于元元即其地置于矢萬戶
府明一統志云元憲宗時于矢部內附置于矢萬戶府方輿紀要云
宋理宗寶祐中于矢部附于蒙古置于矢萬戶府通志云元
仁宗延祐四年置于矢萬戶府三說皆非按于矢萬此今郡境置府
戶府實宋度宗之咸淳六年元世祖之至元七年置之始也元之于矢萬戶府兼有今郡地及普安廳地故萬戶府治在

興義府志

卷四十五

本末

十九

貴陽文通書局代印

今普安廳治東之八部山其官以于矢酋為之蓋土官也十三年改
于矢萬戶府為普安路總管府隸雲南行省凡領四部紀要云普安
納習舊普安四部其普安部即今郡地也十四年改普安路總管府為普安
招討司十六年改為普安宣撫司二十二年罷司仍為路其總管仍
以于矢酋為之成宗大德五年普安于矢酋反以兵應順元土官蛇
節旋討平之仁宗延祐四年以于矢酋益智有謀略善馭衆民皆懷
信畏威乃授為懷遠將軍掌普安路總管府事世襲職後益智卒其
孫那邦襲總管旋以功升雲南行省參知政事仍領普安路事元末
寇盜充斥那邦保境自安民胥賴之後那邦老其妻適恭攝職至明
太祖洪武十七年適恭納款于明遂改為普安土府而普安路廢見唐

書宋史元史明史通志舊
志普安州志方輿紀要

明洪武設普安衛本末

明太祖洪武十四年。征南將軍傅友德。攻克元普安路。留兵戍守。

明史云。洪武十四年。傅友德。充征南將軍。帥副將軍藍玉。沐英。將步騎三十萬。趨貴州。克普安。降諸苗蠻。循格孤山而南。以通永甯兵。

五年正月。置普安衛。隸雲南。明史云。普安衛。舊在普安州南。洪武十五年正月。置屬雲南都司。明史

云十五年置。是也。明一統志云。二十二年置。明一統志云。普安衛。方

輿紀要云。二十五年置。紀要云。洪武二十五年。普旦。陷皆非。是時衛

地甚大。兼有今郡地。普安縣興義縣地。及普安廳地。考是時安南所。

安隆所。皆未置。今郡地。為衛地。明史云。衛東。有安隆箐關。後安隆所

城。築于此。即今郡城舊基。此今郡地。為衛地之證也。明史云。普安衛。東南有安隆所。

安隆所。洪武二十三年置。又云。衛東南。有安隆箐關。紀要云。安隆所。在安隆箐口。洪武二十二年。建城。舊志云。府舊城。原為安隆所城。

又明史云。衛東。有盤江芭蕉關。今芭蕉關。在普安縣境內。盤江。在縣

東。此普安縣亦衛地之證也。明史云。衛東。有盤江。有芭蕉關。又普安衛之中左所。中

右所。在今興義縣之中左里。中右里。又明史云。衛西。有平夷所。即今

平夷縣。今興義縣西。即平夷縣。此興義縣亦衛地之證也。明史云。衛西。有平夷

所。洪武二十三年置。又明史所言。衛之格孤山諸地。皆在今普安廳境。此普安

廳亦衛地之證也。明史云。衛東。有八部山。元普安路。治山下。東北有

有得都山。一名白崖。產雄黃水銀。東南有者。卜河。下流入于盤江。西有分水嶺關。是年三年。改普安路。為普

安府。設流官知府。隸雲南。與普安衛。同地理治。明史云。元普安路。洪武十五年三月。改為

府。屬雲南布政司。尋升軍民府。十六年。元普安路女總管適恭。納款。設普山府。授適

恭。為普山土知府。又升普安府。為普安軍民府。改隸貴州。于是土流

二府。與衛同地理治。明史云。十五年。置普安府。十六年。升為軍民府。改隸貴州。都司。其言是也。方輿紀要云。十六年。

置普安軍民府。言置不言。改升。尚未明晰。後適恭卒。子普旦。襲。二十年。普旦入朝。命普定

侯陳桓率軍駐普安分屯二十一年普旦與馬乃土酋者哀反以應

叛酋阿資二十二年傅友德擊破之普旦降遂廢普山府明史云二十一年傅

友德討阿資明年破之于普安而方輿紀要云二十五年二十三年

普旦與阿資陷普安府事平罷府置衛年與事皆舛誤

設安南所安隆所新興所新城所于是今郡地為安南安隆二所地

今普安縣地為新興新城二所地惟縣之西北境與今興義縣普安

廳地仍為衛地或疑其時安南所安隆所隸普安衛明史地理志云

所安隆守禦千戶遂疑今郡地仍為普安衛地非也安南安隆二所

為守禦所考明史職官志守禦所隸于都司不隸衛二所隸于貴州

都司不隸普安衛也明史職官志云守禦千戶二十七年改普安軍

民府隸四川明史云二十七永樂元年置普安安撫使隸軍民府與

衛同地理治十三年廢軍民府明史云永改安撫使為普安土知州

興義府志 卷四十五 本末 二十一 貴陽文通書局代印

改隸貴州于是州與衛同地理治而今之興義縣地及普安縣西北

境地又為普安州地十四年設普安州流官知州改土知州為土判

官萬歷十四年徙州治于普安衛城三十年普安州改隸安順府

國朝順治十八年析普安衛之馬乃鼠場樓下三營地及安南衛之

二營二里地設普安縣康熙二十六年裁普安衛併入普安州而衛

遂廢至雍正五年以州隸南籠府嘉慶二年以州轄黃草壩地設興

義縣並隸興義府十六年改普安州為普安廳遂不隸府此普安衛

之本末也見明史明一統志明史概紀
要通志舊志普安州志識略

明洪武設安南衛本末
洪武十五年正月既設普安衛是月又設尾灑衛即今安南縣地明

史云安南衛洪武十五年正月置尾灑衛于此尋廢苗語曰尾灑猶華言水下也取衛南尾灑

山之名。以名衛。尋廢。明一統志云。尾灑山。在衛城南二里。山勢高聳。其巔常有雲氣往來。土人因名尾灑。猶華言水

下也。十七年。置尾灑驛。領馬乃。阿計。安逸。三營地。及必黑。南俄。大定。上

達。下達。五寨地。隸普安軍民府。明一統志云。十七年。置尾灑驛。隸普安軍民府。安南志云。尾灑驛。領馬乃。

阿計。安逸。三營。必黑。南俄。大定。上達。下達。五寨。二十年。置尾灑遞運所。二十一年。置尾灑站。

尾灑堡。紀要云。二十年。置尾灑遞運所。二十一年。置尾灑站。尾灑堡。二十三年。置安南衛。治江西

坡。設指揮使。及僉事。同知。鎮撫。經歷。等官。領前後中左右五所。所置

千戶百戶。隸貴州都司。明史云。安南衛。二十三年。十二月。置。屬貴州都司。南有尾灑山。東有盤江山。清源洞。北盤

江。東南有者卜河。自普安州流入。注盤江西。有江西坡。初置柵屯守于此。南有烏鳴關。亦洪武中置。紀要云。二十三年。置安南衛。治江西

坡。安南志云。二十三年。置安南衛。設指揮使。隸貴州都司。領前後中左右五所。所置千戶百戶。二十五。年。遷衛于尾

灑堡。築衛城。即今之安南縣城。是也。明史云。安南衛。尋徙于尾灑。築

于尾灑堡。通志云。安南縣城。原為安南衛城。萬歷四年。移永甯州知州。駐安南衛城。紀要云。萬

興義府志

卷四十五

本末

二十一

貴陽通志書局代印

歷四年。改建永甯州。于安南衛。按萬歷四年。移永甯州。駐安南衛。故安南志云。天啓中。薛三桂為永甯州知州。駐安南。通志云。崇禎中。曾異撰為永甯州知州。移轄安南。流寇圍安南。城陷。死難。終明之世。因之。至

國朝而永甯州知州。始不駐安南衛。順治十六年。改安南衛之五所

地。編為六里。曰。新化。淳德。安化。會昌。興仁。興讓。隸安順府。是時衛之

馬乃營地。及必黑等五寨地。皆為普安州土司龍氏所據。十八年。平

馬乃苗龍吉兆亂。析普安衛地。設普安縣。于是割安南衛之阿計。安

逸。二營地。及興仁興讓二里地。入普安縣。康熙二十六年。從總督范

承勳請。裁安南衛。設安南縣。仍隸安順府。雍正五年。改隸南籠府。嘉

慶二年。隸興義府。此安南衛之本末也。見明史明一統志天下郡國利病書紀要通志舊志安南

志永甯志識略

明洪武設安南所安隆所本末

洪武二十三年始置安南守禦千戶所。安隆守禦千戶所。于今府親

轄地。明史云。安南守禦千戶所。安隆守禦千戶所。俱洪武二十三年置。其言是也。明一統志。方輿紀要。並云。二十二年置。非是。通

志。舊志識畧。並云。今府親轄地。為明安隆所地。而不言兼有安南所

地。今考安隆所。順治中。改名安籠所。康熙中。裁安南所。併入安籠所。

改為南籠廳。名曰南籠。實合取安南安籠二所之名。以名廳。廳地即

今府地。可證府地。兼有二所地也。考安隆所之本末。宋理宗寶祐元

年。始置安隆洞。此安隆之名所昉也。洞在今郡城東北十五里。今俗

訛安隆洞。為乾音龍洞。以音近而訛。元泰定帝致和元年。又置安隆

州。于今郡之南境。及西隆地。隸雲南。旋廢州為安隆寨。隸廣西泗城

州。明史云。元致和元年三月。置安隆州。尋又置安隆寨。則在今貞豐

地。識畧云。貞豐州。元置安隆寨。明洪武元年。泗城土官岑善忠。以其子岑子得。領

興義府志 卷四十五 本末 二十一

安隆洞。明史云。泗城州土官岑善忠。以其子岑子得。領安隆洞。轄地凡十有二甲。兼有安隆所。及

隆長官。司地。二十三年。始置安隆守禦千戶所。于安隆洞西南之安隆箐

口。建城于糯鉢寨之陵元堡。即今府之舊城。是也。紀要云。安隆所。在

里。舊志云。府城原為安隆所城。又云。建城地。古為隸貴州都司。明史

志云。安南所。安隆所。隸普安衛。其言非是。二所皆是守禦所。分轄阿

能花障二甲。凡三十六寨。即今之府親轄地。其阿能甲十八寨。即今

府之懷德里永化里地。是也。舊志云。阿能十八寨。即今府三十年。岑

子得。設治所于安隆洞。明史云。三十年。子得永樂元年。又設安隆長

官司。以子得為長官。隸廣西。其轄地。兼有今貞豐地。及府南境地。西

隆地。明史云。永樂元年。設安南長官司。以子得為長官。又云。其地。西

地。及郡之南境。皆其地也。識畧云。貞于是今府親轄地。雖為安隆所

豐州。永樂元年。設安隆長官司。可證。

地。而南境。則兼有安隆長官司地。十二年。命子得世襲長官。明史云。十二年。子得。貢馬。賜。正統三年。以安隆所。隸安順州。舊志云。正統八年。安隆。所。隨普安衛。改隸安順。

宏治十八年。安隆長官司岑軾。助平普安米魯有功。割安隆所之阿

能十八寨。賞其功。于是十八寨。改屬安隆長官司。隸廣西。舊志云。宏。治十一年。普安米魯叛。安隆。上官岑軾。助兵討平之。割安隆所。能十八。寨。賞其功。隸廣西。按米魯亂。十一年事。平亂。割寨。十八年事。萬歷

二十年。安隆所。隸安順府。通志云。萬歷二十年。升安順。州。為軍民府。安隆所隸之。四十八年。阿

能土目三郎反。射死安隆長官司岑峯。旋平三郎亂。仍以十八寨。改

歸隸安隆所。舊志云。萬歷四十三年。阿能土目三郎。殺安隆長官。至。岑軾。其子光裕。請貴州兵討誅。仍以十八寨。隸貴州。至

國朝順治八年。永明王居安隆所。改為安龍府。明史云。孫可望。迎王。入安隆所。改為安龍

府。十五年。征南大將軍卓布泰南征。以安隆長官司岑繼祿為導。克

安龍府。改為安籠所。叙功。以繼祿為泗城土知府。世襲。于是阿能十

興義府志 卷四十五 本末 一二十四 貴陽文通書局代印

八寨地。又入于泗城土府。今郡南境地。又為泗城土府地。康熙二年。

些巴塞苗韋阿仲。據龍納山反。攻安籠所城。旋平之。考些巴塞。龍納

山。皆在今郡城北六十里。而通志以為廣西地。以其時。些巴龍納。皆

為泗城土府地也。五年于泗城地。設西隆州。于是今郡南境。又為西

隆州地。是年。又裁安南所。併入安籠所。六年。設南籠廳。駐故安南所

城。名曰南籠。以兼有安南安籠二所地也。是時廳隸貴陽府。八年。又

改歸十八寨。隸安籠所轄。十年。移南籠廳。駐安籠所城。改隸安順府。

二十六年。裁安籠所。併入南籠廳。雍正五年。改廳為府。嘉慶二年。改

為興義府。此安隆所之本末也。至安南所。洪武二十三年。初置。其城

在楊那山下。紀要云。安南所。在楊。那山下。城周二里。楊那山。在今郡西。興義縣東北境

內。七孔塘之南。正統十年。徙城于羅渭江。明史云。正統十年四月。羅。徙安南所于羅渭江。羅

渭江。在今興義縣之羅渭屯。天啓二年。水西苗羅應魁等反。攻陷安南所城。三年十月。布政使謝存仁。分兵復之。至

國朝康熙五年。裁併入安籠所。六年。設南籠廳。駐于故安南所城。十年。徙駐安籠所城。雍正五年。升廳爲府。嘉慶二年。改爲興義府。此安南所之本末也。見宋史元史明史一統志紀要天下郡國利病書通志舊志識略

明洪武設新興所新城所本末

今普安縣地。明爲新興所新城所地。識略云。普安縣。明置新城新興二千戶所。考二所本末。初洪武十六年。太祖命總兵吳復。築新城。卽今普安縣丞所駐之新城。是也。二十三年。始置新興所。新城所。皆隸安南衛。新興所城。卽今普安縣城。是也。新城所城。卽吳復所築之城。實卽唐之盤水縣城。舊基。而修築者也。是年。又置新興驛。于新興所。考其時。今普安縣地。

爲新興新城二所地。而其西北境。尙有普安衛地。永樂中。于普安衛地。置普安州。于是縣之西北境。又爲普安州地。其餘縣境。則皆新興新城二所也。萬歷二十年。二所。隨安南衛。改隸安順府。天啓二年。水西叛苗沙學等。陷新興所。三年。布政使謝存仁復之。六年。普安監軍副使朱家民。築西坡城。阿機城。于二所地。扼守要害。西坡城。在今普安縣之江西坡。阿機城。在今普安縣之阿計營。明末。新興驛廢。

國朝順治十六年。從經略洪承疇請。又設新興驛。令新興所千戶管理。旋裁二所千戶。設守備。十七年四月。馬乃營土目龍吉兆反。馬乃營。今爲普安縣地。其時爲普安州地。十一月。總督趙廷臣平亂。十八年。始析普安州之馬乃及鼠場樓下三營地。又析安南衛之阿計安二營地。興仁興讓二里地。及新興新城二所地。置普安縣。與新城

所。同城理治。其時縣治在新城也。康熙十年始裁新城所併入普安縣。二十二年又裁新興所乃徙普安縣治于新興所城。即今之縣治。是也。此新興所新城所之本末也。見明史明一統志天下郡國利病書紀要通志普安州志識略

明永樂設普安州本末

普安州。今興義縣地。及普安縣普安廳地。識略云。興義縣。明為普安州。雍正五年設州。判分駐黃草壩。即今縣治也。嘉慶二年。平定狃苗。裁州。判置興義縣。撥府屬之花閣五屯。並將普安州屬之三營二里地方。撥縣管理。十四年。升普安州為直隸州。縣屬焉。十六年。以縣距州遠。府近。改州為廳。縣仍隸府。又云。普安縣。明為普安州地。置新興。距城二里。順治十八年。普安州屬馬乃營土目叛。討平之。撥普安州馬乃樓下鼠場土里。及安南屬之漢里。並附于新興。新城二所。設普安縣。又云。普安廳。明永樂十三年。考普安州本末。初洪武中有黃昱者。武昌人。十四年。隨傅友德南征。克普安路有功。十六年。以黃坪營地處之。二十二年。以昱子光嵩為黃坪營長。世襲黃坪營。後隸普安州。即今興義縣之黃

興義府志 卷四十五 本末 二十六 貴陽文通書局代印

坪營地是也。至建文中。始于普安衛地。置貢甯安撫司。隸普安軍民府。以于矢酋之裔者昌為安撫使。昌卒。子慈長襲。四年罷。永樂元年。慈長入朝。上言本境地闊民稠。歲于普安軍民府輸糧三千餘石。且路當衝要。乞仍設司督治為便。成祖曰。祖宗大經大法。萬世不可改。其他若時有不同。後世當以時損益。以便民。豈可執一。不知變通之道。乃仍置司。改為普安安撫司。仍以慈長為安撫使。賜銀印。設流官吏目一。隸普安衛。明一統志云。屬普安衛。方隸四川布政司。十二年。慈長謀不軌。十三年。乃改普安安撫司為普安土知州。其治在普安衛治之北。隸貴州布政司。明史云。永樂十三年。改為州。隸貴州布政司。明史紀事本本云。洪武十五年。置普安州。隸雲南誤。州轄十二營。長地。十二營者。馬乃營。鼠場營。樓下營。今普安縣地。捧鮓營。布雄營。黃坪營。今興義縣地。魯土營。歸順營。狗場營。普

陌營、毛政營、簸箕營，今普安廳地是也。十二營長皆世襲。十四年，慈長謀占營長地，強娶民妻為妾，殺其夫，闖其子。事聞，命布政使孟驥按治。慈長率兵萬有奇圍驥，黃坪營長黃瓊芳助驥與慈長力戰。驥以計擒慈長，逮至京，死于獄。乃裁土知州，降為土判官。于是始設普安州流官知州，廢普安軍民府，以其地入州。土判官隸州轄。景泰元年，慈長之四世孫隆本襲土判官，助平安南苗克十餘寨。降阿蒙等五寨，叙功，升鎮遠同知。仍襲土判官。宏治十一年，隆本之孫魯。毒暢死，遂反。圍普安州城。及安南衛城。十六年，戶部尚書王軾討平之。正德元年，以隆暢之族。土婦適擦襲職。事詳後。平米魯亂本末。萬歷十四年，徙普安州治。與普安衛同治。二十年，以州隸安順府。初，適擦之裔。龍文治襲職卒。其妻反。與水西南。陷普安州。新興所新城所。雲南布政使謝存仁。參將袁善等。用黃坪營長黃汝桂為導。力戰平之。叙功。授汝桂參將。仍為營長。旋文治卒。子龍祖烈襲職。始效忠順。事詳後。平普安安南亂本末。崇禎中，土判官

興義府志

卷四十五

本末

二十七

貴陽文通書局代印

龍祖烈與黃坪營長黃汝桂助討安南毛口苗有功，升祖烈為普安土州同。世襲。仍隸州轄。祖烈卒，子天祐襲。是時知州與土州同。所轄十二營長地，魯土營則土州同居之。馬乃、鼠場樓下、捧鮓、四營地皆龍氏居之。布雄、歸順、狗場、普陌、毛政、簸箕、六營地則慈長支子之裔。隴氏居之。改龍為隴。別嫡庶也。黃坪則黃氏居之。至

國朝順治十六年，普安州入版圖。龍天佑與黃坪營長黃金璧等投誠，皆授原職。十七年，馬乃營長龍吉兆遙結李定國為聲援，與鼠場營長龍吉佐樓下營長龍吉祥反。總督趙廷臣平之。事詳後。平馬乃亂本末。十八年，乃以馬乃、鼠場樓下、三營地附以安南地，設普安縣，隸安順府。

識略云。撥普安州馬乃、鼠場樓下、安逸、五土里、安南縣之興仁、興順、忠順、三漢里。並附于新興新城二所。設普安縣。按識略所言。微有舛誤。析置普安縣。乃析州之馬乃、鼠場樓下、三營地。又析安南衛之阿計、安逸二營地。及興仁、興讓二里。新興新城二所地。置縣。識略言州

之五土里。祇舉四里之名。且安逸里。屬安南衛。不屬州。又安南衛。無忠未改。為安南縣。不得言縣。又訛興仁里。為興順里。又考安南衛。無忠順里。時安南衛。凡里六。新化。淳德。安仁。會昌。興仁。興讓。無忠。順里。忠順里。乃新城所地也。于是普安州。僅轄九營長地。康熙十二年。吳三桂反。陷普安州。黃璧。璧拒之。脅以威。調其土兵。亦不從。十九年。大兵南征。未至黃草壩。黃坪營長黃璧迎師。造馬別河橋。以濟師。土州同龍天佑。亦率土兵助討。黃草壩之戰。二人有夾擊功。璧擒偽將五。又與天佑導大兵平滇。仁皇帝予天佑左都督。總兵銜。仍襲土州同。命璧世守黃坪營。為土目。仍隸州轄。二十一年。議裁土州同。總督蔡毓榮為之請。得不裁革。二十一年。朝議欲削土司權。總督蔡毓榮疏請云。土州同龍天佑。向因殺賊著績。授以左都督總兵銜。今宜仍以總兵銜。管州同事。若及身削奪。恐不足以鼓勵土人之心。從之。後天佑卒。子元敬。孫秉漢。遞襲。秉漢卒。元敬妻惡其夫弟元吉。以絕嗣上聞。因裁土州同。改其地歸流。悉歸州轄。四

興義府志

卷四十五

本末

二十八

貴陽文通書局代印

十六年。以元吉子龍健。為普安土舍。隸州轄。是年。元吉助討普安三。乃以其子健。為普安土舍。按土舍。即古之土帥。以帥字。近于尊大。故後人取同音之舍字。易之。改名土舍。雍正五年。普安州。改隸南籠府。設普安州判。駐黃草壩。分轄捧鮓。黃坪。布雄。三營地。六年。命龍健妻姬氏。代理土舍。予黃坪營土目黃極中。土舍關防。龍健從征。入達苗。沒于瘴。健妻姬氏。代理土舍。又總督鄂爾泰。以黃坪營土目黃極中。世忠順。予以土舍關防。乾隆三年。以土舍龍德正。為土千總。管理魯土。簸箕。布雄。三營土務。是年。姬氏使于總督張廣泗。欲依岷州土弁趙世興例。復襲原職。廣泗以普安土州同。既經改流。與世興第念龍氏。二世死于王事。著有勞績。予德正。土千總。委牌。命管理魯土。簸箕。布雄。三營土務。後德正卒。餘歸順。無子。妻安氏。請以族子成麟。為嗣。許之。且令安氏。權理土務。狗場。普陌。毛政。四營。咸歸流。別擇隴氏明練者。為土目。乾隆末。捧鮓。隴氏絕。知州別委漢人。為土目。嘉慶三年。苗平。割普安州判所轄。捧鮓。黃坪。布雄。三營地。皆改為流。益以普安衛之中左所。中左所地。興

義府之花閣五屯地。置興義縣。于是普安土舍龍氏。僅管理魯土。簸

箕二營。其地仍隸普安州。州歸興義府轄。六年。升黃坪營土舍黃天

運。為土守備。乾隆十八年。黃坪營土舍黃啓元襲職。後數傳。至嘉慶六年。以功授土守備。委牌其裔黃天運襲職。以沙

氏。為布雄營土目。紀略云。布雄營。介居捧鮮黃坪之間。地方寬闊。昔日為人煙不到之區。歷久相沿。客民深入其中。向非土目沙姓承租。不能得。十四年。升普安州。為直隸州。始不隸府。以

其寸土。今日餘風尚在。

興義縣。隸州轄。十六年。改普安州。為普安廳。興義縣。仍隸府轄。今各

土目土弁。皆不司徵賦稅。與平民等。土舍龍氏。僅管魯土。簸箕二營

地。皆屬廳轄。不隸府矣。今普安廳土舍龍汝駁。拔貢生。此普安州之本末也。見明史紀略。紀事本末。明一統志。紀要。

明宏治平普安米魯亂本末

米魯者。普安土判官隆暢之繼妻。隆暢。則于矢酋之裔。土判官隆本

興義府志 卷四十五 本末 二十九 貴陽文通書局代印

之孫也。米魯為霑益土知州安民之女。以忤暢被出。歸安民家。及暢

老。請于朝。令其前妻之子者禮襲職。營長阿保。素與米魯通。及者禮

襲職。又讒間其父子。因之父子不相能。米魯知之。因令阿保。諷者禮

迎己。既而者禮亦悉之。暢聞大怒。立殺者禮。而燬阿保寨。阿保挾米

魯。與其子阿鮮莫。阿歹兒。攻暢。破暢寨百餘。暢敗走雲南。時東甯伯

焦俊。為總兵。錢鉞。為巡撫。不能討。召暢。及米魯。阿保。曲為調護。而讐

暢以威。皆唯唯。將出省門。米魯出送暢。拜且泣。親掖暢上馬。枕暢股。

啣啣。若不忍去者。遂陰中暢以毒。暢道死。米魯與阿保。據寨反。時宏

治十一年也。暢有妾曰適烏。生二子。曰珀。曰瑤。別居安南堡。米魯欲

并殺之。乃於安南城外。築阿先寨。與阿保親圍之。又別築青猴場。黑

猴場。查刺。三寨。於普安州拖長江諸處。命阿鮮莫。阿歹兒。互為防守。

而名己所居寨。爲承天寨。號無敵天王。出入建黃纛。御史張淳令捕之。不克。勢益橫。鎮巡官以聞。十二年。乃命沐國公沐崑發十衛官軍。及諸長官司土兵。萬三千有奇。分道進兵。責安民殺賊自贖。安民乃率土兵。攻斬阿保父子于查刺寨。米魯亡走。焦俊奏。賊弄兵十年。先後據苗寨百三十有奇。殺傷官民無算。而米魯尙匿安民家。不法已極。宜責安民勦餘賊。獻米魯自贖。安民承命。陽爲進勦。而陰資米魯兵五百。襲殺適烏及珀瑤。又密遣其營長福佑。從米魯據別寨。米魯且投牒鎮巡官。乞襲女土官。巡撫錢鉞副使周鳳。都指揮劉英。吳達。太監楊友。總兵焦俊等。皆受米魯賄。請宥之。而聽其襲。巡按御史黃珂。劾奏鉞俊得罪。以曹愷代之。嚴旨切責鉞等。必得米魯乃已。按察使劉福。自詭知兵。衆倚之。率兵進勦。營于阿馬坡。而移文取賊賂。

故緩師期。賊怒擊官軍。官軍大敗。都指揮吳達被執。普安幾陷。十三年。命戶部尙書王軾督貴州軍勦之。未至。友等遣人招撫。賊陽言欲降。益聚衆。攻圍普安安南二衛。斷盤江道。乘間襲殺劉福。周鳳。吳達。而執楊友。於是右布政使閻鉦。指揮史韜。李雄。郭仁。李宗武。皆轉戰死。十六年六月。軾至。帥都指揮張泰。李政。總兵曹愷。都督王通。叅將趙晟等。以便宜調楚粵滇蜀官軍土兵八萬。合貴州兵。分道進勦。奪楊友還。叅將趙晟破六墜賊。賊遁。渡盤江。都指揮張泰追擊。指揮劉懷。進解安南之圍。總兵曹愷。都督王通。都指揮李政。亦各敗賊。於是阿舊。阿滿。阿黑。阿維。等二十餘寨。皆破。斬寨首阿烏。阿宗。及福佑子阿咎。獠襍車。生擒米朶。及阿舊土目波衣。江西賈人龍清。監生洪子華。賊西走。雲南巡撫陳金。以兵擊之。米魯。福佑。走匿馬尾籠。大兵合

圍之。土官鳳英格殺米魯。官軍擒斬福佑。及其妻攝受。妾適固。子阿雜等。賊遂平。是役也。凡破寨千有奇。斬首四千八百。俘千二百。捷聞。賞賚有加。已又追治普安敗軍之罪。贈死事史韜等官。正德元年。隆暢族土婦適擦。襲土判官。入朝貢馬。武宗嘉之。或曰適擦亦暢妾也。隆暢之後。又有隆淵。及龍文治。文治子曰龍祖烈。皆襲土判官職。隆龍音近。苗姓隨音譯之。無定字也。後至天啓初。文治卒。其妻又反。元見

史明史明一統志明史概蠻司合志通志普安州志識略紀略苗譜

明天啓平普安安南苗亂本末

明天啓二年。普安州土判官龍文治卒。其妻視事。水西安氏之叛也。文治妻與其黨尹王保應之。興兵圍普安州。安氏之黨曰沙國珍曰羅應魁。渡盤江。圍安南衛。雲南巡撫沈儆煊發兩迤漢土官兵及餉。

興義府志

卷四十五

本末

三十一

貴陽文通書局代印

屬之都司李天常令救普安安南。天常及監紀官知縣呂聲揚。東至盤江。普安安南圍皆解。拔貴州都司許成名。普安守備楊文炳。于圍中奪還被虜男婦千有奇。應魁遣使詐降。天常信之。聲揚力諫。逆苗多詐。姑俟之。勿輕進。天常不從。以兵千先渡盤江。諸軍尙未發。天常將至安莊。次疊水鋪。應魁至。請大兵解甲受降。天常從之。甲釋而伏起。天常及指揮王懋勳。張神武皆死之。于是安南復被圍。而安隆諸所皆陷。聲揚與把總劉春元等率五百人入普安城堅守。是年御史傅宗龍疏言。攻圍普安。爲滇黔門戶患者龍文治妻及其黨尹王保。困安南。據關索嶺者。沙國珍羅應魁輩。臣悉生平。非臣敵。臣願以巡按兼貴州監軍。滅此羣醜。熹宗大喜。會宗龍以疾歸。不果行。時有雲南羅平州之苗。曰補鮮者。亦叛合于安氏。三年正月。雲南巡撫閔洪

學遣參將施翰。士官沙源等討之。四月文治妻遣尹王保救補鮮于羅平。遇沙源。源與戰。敗之。王保走。源追之。擒鼠場女營長安三。俘馘六十二人。軍距安南衛不三十里。以大雨糧絕。乃引還。執補鮮之壻龍應麒而歸。補鮮苗勾連普安之狗場鼠場諸營。而與文治妻合兵者也。旋部檄洪學援黔。時盤江鐵索橋未建。洪學以不能過盤江而止。于是起傅宗龍。以巡按監貴州軍。宗龍即家奉詔。自滇起行。洪學命布政使謝存仁。士官普名聲等。率兵五千送行。宗龍等戰且行。沿路破賊。已而洪學又使參將袁善統兵駐平夷。尹王保與補鮮攻之。妖僧百足。以魘魅術。殺平夷長官王大慶。與普安賊圍普安州城。陷之。知州劉世隆。保於郊外。五月。洪學與諸將計曰。普安雖陷。其守劉世隆尚在。可使也。其子遺之民。可撫也。未叛諸寨有米。可高價。以致

之也。即安南未能驟通。軍民餒甚。宜齋金接濟以堅之。乃檄劉世隆。益招集普安民。得壯者千餘。遣守備焦大受。率兵五百赴之。糴近寨米。得千餘石。遣壯士齎白金。入安南城。助之聚糧。事既定。令參將袁善。率守備王聘選。張雲鵬。出亦資孔。趨新興所。襲土判官營。又令布政使謝存仁。同知呂聲揚。率守備沙如玉。土舍海現銀。出黃草壩。趨魯土營。襲馬乃營。九月初三日。袁善自平夷出師。日馳二百里。初五日。黎明。薄土判官營。賊使其黨段二。禦之。聘選力戰擒之。賊遁上八擔山。山距土判官營五十里。是日大雨。聘選追之。初六日日。攻八擔山。不克。去之。趨安南。自疊水之敗也。賊陷諸所。而圍安南。至是已二年。食盡力窮。幾陷。遠望南方兵至。疑爲賊。大懼。遣覘之。知雲南援兵至。又得賑銀千兩。喜若更生。謝存仁至黃草壩。用黃坪營長黃汝桂。

爲鄉導。

黃坪。今興義縣地。

緣路勸苗。至馬乃營。焚其積聚。于是泥堡、阿革衝、

成就撫。存仁嘉黃汝桂忠義。厚賚之。叙功。授汝桂叅將。仍世襲營長。存仁刻期以十月初七日。會兵于安南之西。初十日。存仁率輕兵先至安南。安南圍解。土酋龍阿佑來降。獻所奪僞官印。十五日。後軍發黃草壩。進至品甸。獲普安衛中左所中右所印。分兵復安南所。尹玉保率賊萬有奇。營于江西坡。存仁令沙如玉率土兵爲先鋒。以普名聲土兵爲左翼。海現銀土兵爲右翼。廣西銃手爲奇兵。官兵繼之。十六日夜。出擊尹王保。沙如玉衝賊陣。賊大奔。追逐十餘里。擒斬百餘人。貴州遊擊許成名亦帥普安安南兵。至安南出擊。擒斬四十三人。存仁聲揚。遂揮兵向新興所。閏十月初二日。至新興所。復其城。初五日。攻核桃屯。斬數十人。屯爲新興所轄地。險絕。賊據之。各寄老弱焉。

至是攻克。賊勢益蹙。既又運賊屯中糧。千石有奇。入新興所城。令普安衛經歷徐自通把總劉啓茂率兵數百。招站軍及百姓守之。十九日。存仁會袁善等入普安州城。賊遁入八納山。尹王保既敗。走霑益。乞師于安效良。不得。亦遁歸八納山。十一月初八日。存仁督守備呂元揚、沙源、沙如玉、王聘選、張雲鵬自普安攻八納山。山距城七十里。存仁等馳至。即與賊遇。力戰敗之。遂仰攻。破其下二隘。併力攻第三隘。王保殊死戰。呂元揚、王顯祖邀絕賊路。沙如玉以標鎗刺王保墜馬。斬其首。餘賊竄頂屯。或遁入箐中。頂屯奇險。攀援而上。無復徑路。賊扼險。下木石。存仁軍傷數人。翌日復攻。乃破之。尹王保既死。存仁與袁善兵威大震。四年正月。沙國珍、羅應魁肉袒詣存仁乞降。存仁數其罪而赦之。單騎詣其營解散餘黨。存仁遂與傅宗龍渡盤江。進

至貴陽。比還。苗酋伏迎道左。仍願供站馬。已而貴州巡撫王三善。爲降賊陳其愚所給。敗沒于內莊。諸苗咸變。沙國珍復叛。傅宗龍令謝存仁。以土兵七百。馳赴貴陽。擒斬其愚。時又有普安哈馬隘賊聚千人。出圍阿底寨。副總兵袁善。邀擊破之。水西兵攻簸箕營。善亦擊破之。貴州副使楊世賞。又擊沙國珍。斬之。遂通盤江道。已而總督楊述中。又發餉五千于安南。人心始定。未幾賊首安邦彥。統二十七營。犯普安新興。四月二十日。至九家村。二十四日。至甘蜜寨。二十五日。至鷄場營。袁善率諸將。東出禦之。定計賊攻普安。卽戰城下。如其未動。直搗鷄場。以破其營。比至。邦彥已燒營先遁矣。七月。貴州僉事段伯炆。巡安普。于是盤江以西。道路稍安。然猶劫略時聞。已而朱家民監軍安普。與叅將許成名等。討平盤江外。阿野魯頗諸寨。造盤江鐵索。

興義府志

卷四十五

本末

三十四

貴陽文通書局代印

橋。相要害。築十一城。肇工於天啓六年。竣事于崇禎四年。時安邦彥已授首。而後盤江之寇盜始息。自安邦彥之北還也。文治妻旋死。子龍祖烈嗣。始效忠順。復襲土判官。已而助平毛口苗有功。升土州同。祖烈卒。子天佑襲。至

國朝順治十六年。天佑投誠。仍襲土州同。如故。康熙中裁。見明史明一統志蠻

司合志通志普安州志識略紀略苗譜

明永明王居安龍府本末

明永明王。名由榔。神宗之孫。桂王常瀛之子也。桂王之封在衡陽。張獻忠陷衡州。桂王避於梧州。我

大清順治二年。明福王由崧。立於南京。建號宏光。是年。桂王薨於梧。福王命由榔嗣桂王。故亦稱桂王。旋我

大清大兵南下。執福王。明年明唐王聿鍵立於閩。建號隆武。旋大兵下汀州。又執之。於是明臣瞿式耜、呂大器、方以智、吳貞毓等議再立主。共議立永明王。其母桂太妃王氏曰：吾兒仁柔，非撥亂才。願更擇可者。諸臣請益堅。遂稱監國。時順治三年十月十四日也。十一月稱帝於肇慶。改明年為永歷元年。是年明唐王弟聿錕立於廣州。建號紹武。旋大兵下廣州。又執之。永明王聞報，由肇慶奔梧州。順治四年。永歷元年。大兵向肇慶。王奔平樂。大兵取梧州。王奔桂林。旋奔全州。奔武岡。大兵趨武岡。王奔象州。又奔柳州。七月，明大學士瞿式耜、總兵焦璉、叅將陳邦傳戰復潯、梧、平樂諸地。廣西全省稍定。十二月，王乃還桂林。順治五年。永歷二年。大兵至靈州。王又奔柳州。是時流賊孫可望已由蜀黔入滇。於順治六年。永歷三年。四月，附於王。求封大國。王不許。大學

士嚴起恒及吳貞毓等亦堅持不可。陳邦傳之中軍胡執恭矯敕印封孫可望為秦王。王不知也。是年王封皮熊為匡國公。王祥為忠國公。命守滇黔以防孫可望入寇。十二月，大兵下廣東。明年。永歷四年。王又奔梧州。九月，孫可望由雲南東襲貴州。執皮熊。王祥自刎死。勢張甚。十二月，大兵入桂林。明大學士臨桂伯瞿式耜、總督張同敞死之。王奔南甯。順治八年。永歷五年。三月，孫可望遣其將賀九義等擁兵稱入衛。殺阻封之大學士嚴起恒。兵部尚書楊鼎和、給事中劉堯珍等。又執大學士楊畏知歸。殺之。王乃以吳貞毓為東閣大學士。時可望自滇入黔。據貴陽。議移王自近。挾以作威。其將掌塘報者曰：曹延生密語貞毓言不可移黔。王於是集諸臣共議。有請走海濱就李元允者。有議入安南避難者。有議浮海抵閩。依鄭成功者。惟勳官馬吉翔。中官

龐天壽結可望。堅主赴黔。貞毓前亦阻可望秦封。又知可望跋扈不可依。不敢決。元允疏請出海。王亦不欲就可望。而以海濱遠。再下廷議。終不決。亡何。開國公趙印選衛國公胡一青殿後軍。戰敗奔還。請王速行。急由水道走土司地。抵瀨湍。二將報大兵益近。相距止百里。上下失色。皆散去。已次羅江土司。追騎相距。止一舍。會日晡。引去。乃稍安。次龍英。抵廣南。歲已暮。順治九年。永歷六年二月。可望遣兵迎王入安隆所。三藩紀事本末云。遷王安隆所。改陸爲隆。非是。考明史。改爲安隆所。明初卽名安隆所。至明永王乃改安隆所。爲安龍府耳。改爲安龍府。奉王居之。此永明入安龍之始也。王在安龍。宮室卑陋。服御粗惡。所居文華殿。寢室窻壁頽壞。風雨侵御牀。求一蒲席蔽之。可望所用安龍知府危應旭。以未奉可望令。不敢與。可望歲給王及百官銀八千兩。應旭上其簿籍於可望。其籍有云。皇帝一名。后妃總若干。

口。皇子宗室總若干口。從官大學士以下若干口。每月支銀若干兩。其不敬如此。可望所遣護衛兵將。其侮慢更甚於應旭。王不堪其憂。時文安侯馬吉翔。爲王掌戎政。龐天壽督勇衛營。諂事可望。惡貞毓不附己。令其黨冷孟銚。吳象元。方祚亨。交章彈擊。且語孟銚等曰。秦王宰天下。我具啓。以內外事。盡付戎政。勇衛二司。大權歸我。公等爲羽儀。貞毓何能爲。吉翔遂遣門生郭璘。說主事胡士瑞。擁戴秦王。士瑞怒。厲聲叱退之。他日吉翔遣璘求郎中古其品。畫堯舜禪受圖。以獻可望。其品不從。吉翔譖於可望。杖殺其品。而可望果以朝事。盡委吉翔。天壽於是士瑞與吏科給事中徐極。員外郎林青陽。蔡縝。主事張鐫。連章發其奸謀。王大怒。兩人求救於太妃。乃免。順治十年。永歷七年王憂懼。密謂中官張福祿。全爲國。曰。聞李定國與可望有隙。而定國

已定廣西。軍聲大振。欲密下一敕。令統兵入衛。若等能密圖乎。二人言徐極、林青陽、張鑄、蔡縝、胡士瑞曾劾吉翔、天壽。宜可與謀。王即令告之。五人許諾。引以告貞毓。貞毓曰。主上憂危。正我輩報國之秋。諸君中誰能充此使者。林青陽請行。乃令請伴乞假歸葬。而使簡討蔣乾昌。撰予定國敕。主事朱東日書之。福祿等持入用寶。青陽於歲盡。問道馳至定國所。定國捧敕感泣。許以迎王。四月。孫可望自湖廣敗還。盡殺明宗室之在黔者。王益懼。以林青陽久未還。將擇使往促。吳貞毓舉翰林孔目周官。而都督武安侯鄭允元告王曰。馬吉翔晨夕在側。假它事出之外。庶有濟。王乃令吉翔奉使。赴梧州南甯。祭桂恭王及王太妃陵。而遣周官詣李定國。吉翔在道。微知林青陽密敕事。遣人至李定國營偵之。主事劉議新者。道遇吉翔。意其必與謀也。告

以兩使齎敕狀。吉翔驚駭。啓報可望。可望大怒。并疑吉翔與謀。順治十一年。永歷八年。可望遣其將鄭國。赴南甯逮之。會張鑄、胡士瑞及簡討李元開。以王親試。徐極、蔡縝、朱東日及御史林鍾。以久次。皆予美官。龐天壽及馬吉翔弟都督馬雄飛。忌甚。與其黨郭璘。方謀陷之。而林鍾、蔡縝、徐極、張鑄、胡士瑞亦知事洩。倉皇劾馬吉翔、龐天壽。表裏爲奸。王見事急。即下廷臣議罪。天壽懼。與馬雄飛馳貴陽。告可望。初林青陽還至南甯。爲守將常榮所留。密遣親信劉吉。告之王。王喜。改青陽給事中。諭吳貞毓再撰敕。鑄屏翰親臣金印。令王吉還付青陽。至廉州。周官與青陽遇。偕至高州。賜李定國。定國拜受命。三月。鄭國械馬吉翔至安龍。與諸臣面質。貞毓謝不知。鄭國怒。與其副王愛秀。挾貞毓。直入王所居文華殿。迫脅王。索主謀者。王懼不敢正言。謂必外

人盜敕寶爲之。鄭國遂怒日出。與龐天壽至朝房。械貞毓。并鄭允元、林鍾、蔡續、蔣乾昌、李元開、徐極、張鑄、吳士瑞、朱東旦、及太僕少卿趙賡禹、御史周允吉、朱議景、員外郎任斗墟、主事易士佳、簡討李欣、繫私室。又入宮。擒張福祿。全爲國出。其黨冷孟銚、蒲纓、宋德亮、朱企鏗等。迫王速具主名。王悲憤而退。翊日。鄭國等將以嚴刑拷掠。貞毓曰。凡事宰相主持。我約李定國討孫可望。與諸臣無與。鄭國謂貞毓大臣。特免其拷掠。衆不勝楚。大呼二祖列宗。且罵。時已日暮。風雷忽震。烈。蔡續厲聲曰。今日續等直承此獄。稍見臣子報國苦衷。由是衆皆自承。鄭國又問曰。主上知否。蔡續大聲曰。未經奏明。乃復收繫。以欺君。悞國盜寶矯詔爲罪。報孫可望。請王親裁。王不勝憤。下廷議。吏部侍郎張佐辰、及蒲纓等。謂國曰。此輩盡當處死。儻留一人。將爲後患。

於是蔣御曦執筆。張佐辰擬旨。以張鑄、張福祿爲首。罪凌遲。餘爲從。罪斬。王以貞毓大臣。言於可望。賜自盡。馬吉翔謂張福祿等內侍。王妃必知情將廢之。令主事蕭尹歷。陳古廢后事。妃泣訴於王。王謂蕭尹及馬吉翔曰。皇后處深宮。從不與國事。無罪不宜廢。乃止。諸人就刑。神色不變。各賦詩大罵而死。時四月八日丙戌也。王及妃聞之。爲之暗泣。居三日。其家人合瘞於安龍之馬場。已而林青陽逮至。亦被殺。獨周官走免。於是可望益橫。順治十三年。永歷十年。前御史任僎。中書方干宣。勸孫可望。設內閣九卿科道官。改印文爲八疊。盡易其舊。立太廟。定朝儀。擬改國號曰後明。或以此爲順治十年事。今從三藩紀事本末。自鑄錢文曰。興朝通寶。或以此爲順治六年事。今從三藩紀事本末。已而李定國自高廉攻新會。爲我大清所敗。走南甯。將奉王前敕。入安龍迎王。可望偵知。使白文選至。

安龍。遷王於貴陽。王及妃御。合宮皆哭。文選雖為可望用。然心不直其所為。且憐王。因告之曰。姑遲行。俟西府至。西府者。謂李定國也。旋定國至安龍。迎王。文選以王歸之。定國為吳貞毓等十八人。建廟於馬場。勒碑大書曰。十八先生成仁處。而與文選共奉王入雲南。王封定國為晉王。文選為鞏昌王。此永明王去安龍之事也。王居安龍。凡五年。時可望妻孥在滇。未敢攻王。順治十四年。永歷十一年。王送可望妻孥還黔。可望遂舉兵攻王。與李定國戰於三岔河。敗還。乃赴長沙。降於我。

大清順治十五年。永歷十二年。正月。王追贈吳貞毓少師。賜諡文忠。蔭子

錦衣衛千戶。國朝乾隆中。賜吳貞毓諡忠節。張鑑諸人。通諡烈愍。未幾。

大清信郡王。會三路兵入滇。十二月。入安龍。定國敗於安龍府。之羅

興義府志

卷四十五

本末

二十九

貴陽文通書局代印

炎涼水井。王聞變。奔永昌。順治十六年。永歷十三年。正月。大兵入雲南。王

奔騰越。李定國再敗於潞江。王奔於南甸。抵囊河。是為緬甸境。緬人

勒王從官。盡棄兵仗。始啓關。王遂入緬。二月初一日。緬人以四舟迎

餘人。陸行者。自珉王子以下。九二月二十四日。王至阿瓦。王至阿瓦。

冊寶。視萬歷時。差小。疑為假。緬酋處王及羣臣於舊城。請王敕關上。

無得納漢兵。三月十七日。陸行諸臣至。緬酋曰。此非避兵。乃裏應外

十五日。各蠻朝緬。緬酋欲誇示諸國。令沐順治十七年。永歷十四年。鞏昌

王白文選。以兵至緬。迎王。緬人弗予。初。李定國知王入緬。與白文選

我兵若入。恐變生不測。清兵萬一隨來。無險可恃。莫若就邊地。擇妥

屯住。招集以圖興復。文選以王既入緬。無重兵護衛。請身入護王。與

定國謀不合。定國遂引兵屯猛緬。集遣兵。兵勢稍緬之阿瓦。有新舊

二城。緬酋居新城。以舊城王居。文選以兵攻新城。城垂破。緬酋給言。

退兵十里。三日出新城。讓王居。文選信之。兵退而城中守禦固。復攻。反為所敗。二月二十八日。文選密遣緬民齎奏云。不敢速進者。恐有害。必得緬人送出。為上策。王即回璽書。甚切。越五六日。文選沿河造浮橋。為迎王計。緬人覺之。事不果。時王居緬。馬吉翔與李國泰專權。者。王不應。明日又與國泰合奏。王怒。以御寶擲下。吉翔即碎之。散給諸臣。其凶橫如此。於是御史任國璽。上時事三不可解。疏大旨言勢如危卵。禍急燃眉。猶泄泄不思出險。沐勳臣王皇親亦可主持。豈可令吉翔國泰獨專大柄。旋王祖望鄧居詔亦各疏劾吉翔國泰王固無如吉翔國泰何也。而是時蒲縷大開賭市。晝夜呼盧。動臣王維恭與楊太監爭賭。毆拳益為緬人所輕。錦衣衛趙明鑑等謀奉世子逸。出并殺吉翔。國泰事洩不果。文選既敗。遂往會晉王李定國。兵謀再至阿瓦迎王。四月。明之降將。我

大清西平王吳三桂。陰懷異志。聽都統楊甲計。謀先除永明王。以絕人觀望。奏請大兵。入緬執王。疏略云。永歷在緬。李定國。白文選分住

興義府志

卷四十五

本末

四十

貴陽文通書局代印

孟良一帶。藉永明以蠱惑衆心。窺我邊防。患在門戶。號召諸蠻。患在肘腋。投誠生心。患在腠理。請大兵入緬。以靖根株。迨七月二十三日。王居緬。值緬酋殺兄自立。遂以兵勒王之羣臣。渡河飲咒水。至則盡殺之。松滋王及沐國公。沐天波。王維恭。鄧士廉。鄧居詔。任國璽。王祖望。馬吉翔。馬雄飛。楊在。鄔昌琦。裴廷謨。郭璘。李國泰等。皆被殺。又以兵圍王所。入宮掠殺。於是被殺自縊者。不可勝數。吉王與妃同人。與松滋王妃同縊。趙明鑑。王文相。朱議漆等。皆死之。內官陳德遠等。一十八人同縊。王與太妃等聚一小房。逾二時。通事引護守緬官曰。不可傷皇上。乃移王。出居沐國公所。大小內外。共棲一樓。三日。幾斷火食。兵退。自縊者尤衆。馬吉翔第四女。今已死。人猶罵之。縊數次。乃絕。二十五日。緬酋乃進王銀米。九月。李定國。白文選。會兵攻阿瓦。緬人以象兵出戰。定國迎戰。文選引兵橫擊之。緬人大敗。退保新城。定國。文選。決計渡江迎王。遣將於上流造船。工將竣。緬人

知之。以正兵綴定國。而以奇兵焚船。船被焚。定國、文選、定計進兵洞
烏。一面造船。一面攻新城。使兩不相應。乃俱移營。先是吳三桂疏入。
是年八月。

大清已命內大臣公愛星阿。為定西將軍。率禁旅。同三桂攻定國。至
是大兵至緬。三桂檄緬。令獻王。緬酋請大兵擊走定國。願獻王。順治
十八年。永歷十年。定國與文選移營進兵洞烏。定國在前。文選在後。文
選之部將。有張國用。趙得勝者。以定國斬賀九義。銜之。遂劫文選。來
降於我。

大清。文選至耿馬。與胡三省軍遇。三省定國舊部將也。安龍之敗。三
選遇。文選不言流涕。三省察知軍情有變。因言雲南降將皆怨恨不
得所。人心思明。甚於往日。於是國用得勝。心動而止。與文選三省同
屯於錫。吳三桂偵知之。令馬寶追文選。單騎入營。又力說降。文選乃
薄江。

興義府志

卷四十五

本末

四十一

貴陽文通書局代印

降。大清封為承恩公。永明王某妃。在文選營。聞降自縊。三桂自率大兵趨阿瓦。再檄緬酋獻王。

十二月三日。緬酋於二更許。以王父子及太妃王妃等。獻三桂營。

章皇帝恩免俘見。康熙元年。四月二十五日。三桂弑之於雲南。明忠

皮熊聞王就執。絕食七日不死。大兵執之。背立不順命。積十三日不食始瘞。十四日乃死。熊塔趙默亦被執。書絕命詞就戮。李定

國在洞烏。聞阿瓦消息。遣人入暹羅車里諸國乞兵。圖興復。會一營
人馬盡死。六月初一日。病作。二十七日卒。臨終謂子嗣興及部將靳

統武曰。甯死荒徼。無降也。未幾統武卒。嗣興降。此永明王既去安龍

以後之事也。見明史東華錄勝朝殉節錄明史藁三藩本末四王傳
貳臣傳逆臣傳求野錄行在陽秋通志貴州紀年十八

先生
墓碑

按蕞鄉贅筆云。南都既覆。隆武稱號閩中。福州破。桂藩子永明王
立。改號永歷。後受制于孫可望。一時忠烈之士。大半殉難。張獻忠

諸養子。除僞晉王李定國。反正外。餘皆好禍嗜殺。毒甚狻猊。李定國。孫可望。艾能奇。劉文秀。皆獻忠養子。舊志云。孫可望。張獻忠軍師。非是。實養子也。僞稱四將軍。白文選。王雙鯉。則僞都督也。獻忠死。各率殘寇入滇。推可望為主。及可望定滇黔。遂肆毒虐。于是誅宗室。殺大臣。帝制自爲。又一獻忠也。定國獨拔身羣賊之中。秉忠反正。盡瘁事國。乃至崎嶇九死。呼天以明其心。嗚呼。古烈丈夫哉。方其破百粵。下衡陽。義聲先路。所在引領。使可望等。同心戮力。雖汾陽臨淮。至今存可也。何乃形勢偏而猜忌成。嫌疑積而戕賊併。分疆孰視。共穴疾門。坐是菁亡凋喪。不可收拾。天縱窮凶。禍人家國。雖揮魯陽之戈。莫填精衛之海。斯時北望燕雲。真人繼起。薄海歸心。嗟乎李王。天之所壞。又何可支哉。至于白文選。間關異域。可泣風雨。而扼于部將。

不能引決則有之。非其志也。冀後之言者。或見原焉。又云。康熙二十年。十月二十九日。王師平雲南。僞洪化吳世璠。及三桂婿郭壯圖。俱自殺。逆黨方光琛。馬寶。胡國柱。夏國相。巴養元。趙國佐等。以次伏誅。當三桂之窮。追永歷也。永歷已深入緬甸。三桂率兵徑至阿瓦。檄取之。緬人懼。送永歷。及太后中宮太子。赴三桂營。未幾。俱遇害。此壬寅四月事也。是日。天地皆黑。風雨雷電交作。滇人皆爲出涕。及世璠敗。亦投緬國。緬人以其不義。拒不納。于是吳氏無少長。俱駢戮。論者謂三桂世受明恩。乃于其子孫。不遺餘力。卒之白首稱兵。妄覬非分。荼毒生靈。此誠覆載所不容也。故不及數年。遂至舉宗被屠。骸骨不保。嗚呼。孰謂無天道哉。

